

ÖRYGGISKORT FYRIR SJÚKLING

Dabigatran etexilate
Medical Valley 75 mg
hörð hylki

Dabigatran etexilate
Medical Valley 110 mg
hörð hylki

Dabigatran etexilate
Medical Valley 150 mg
hárda kapslar

dabigatran etexilat

- Pú/umönnunaraðili þinn skuluð ávallt hafa öryggiskortið meðferðis
- Vertu viss um að vera með nýjustu útgáfuna af öryggiskortinu

Kæri sjúklingur/umönnunaraðili sjúklings á barnsaldri,

- Læknirinn þinn/barnsins hefur hafið meðferð með Dabigatran etexilate Medical Valley. Til þess að nota Dabigatran etexilate Medical Valley á öruggan hátt skaltu íhuga mikilvægar upplýsingar í fylgiseðlinum.
- Þar sem þetta öryggiskort fyrir sjúkling inniheldur mikilvægar upplýsingar um meðferðina sem þú/barnið ert á, skaltu ávallt hafa öryggiskortið meðferðis til þess að upplýsa heilbrigðisstarfsfólk um að þú/barnið notir Dabigatran etexilate Medical Valley.

Upplýsingar um Dabigatran etexilate Medical Valley fyrir

sjúkling/umönnunaraðila sjúklings á barnsaldri

Um meðferðina sem þú/barnið ert á

- Dabigatran etexilate Medical Valley þynnir blóðið. Það er notað til meðferðar á blóðtöppum sem eru til staðar eða til að koma í veg fyrir myndun hættulegra blóðtappa.
- Fylgdu fyrirmælum læknisins/læknis barnsins um notkun Dabigatran etexilate Medical Valley. Slepptu aldrei skammti og ekki hætta að taka Dabigatran etexilate Medical Valley án þess að ræða fyrst við lækninn/lækni barnsins.
- Láttu lækninn/lækni barnsins vita um öll önnur lyf sem þú/barnið notar.
- Láttu lækninn/lækni barnsins vita um inntöku Dabigatran etexilate Medical Valley áður en þú þarft að gangast undir skurðaðgerð/ífarandi aðgerð.
- Dabigatran etexilate Medical Valley hylki má taka hvort sem er með eða án matar. Hylkið á að gleypa í heilu lagi með glasi af

vatni. Ekki má brjóta hylkið eða tyggja það og ekki má fjarlægja kornin úr hylkinu.

Hvenær leita á læknishjálpar

- Taka Dabigatran etexilate Medical Valley getur aukið blæðingarhættu. Ræddu tafarlaust við lækninn/lækni barnsins ef þú/barnið finnur fyrir merkjum og einkennum blæðingar eins og: bólga, óþægindi, óvenjulegur verkur eða höfuðverkur, sundl, fölvi, slappleiki, óvenjulegir marblettir, blóðnasir, blæðingar úr tannholdi, óvenjulega langvarandi blæðing úr sári, óeðlilegar tíðablæðingar eða blæðing úr leggöngum, blóð í þvagi sem getur verið bleikt eða brúnt, rauðar/svartar hægðir, blóðhósti, uppköst sem eru blóðug eða líkjast kaffikorgi.
- Ef þú dettur eða meiðir þig, sérstaklega ef þú rekur höfuðið í, er áríðandi að leita til læknis.
- Ekki hætta að taka Dabigatran etexilate Medical Valley án þess að ræða fyrst við

lækninn/lækni barnsins ef þú/barnið fnnur fyrir brjóstsviða, ógleði, uppköstum, magaóþægindum, upppembu eða verkjum í efri hluta kviðar.

Upplýsingar um Dabigatran etexilate Medical Valley fyrir heilbrigðisstarfsfólk

- Dabigatran etexilate Medical Valley er segavarnarlyf til inntöku (trombínhemill með beina verkun).
- Nauðsynlegt gæti verið að hætta meðferð með Dabigatran etexilate Medical Valley áður en skurðaðgerð eða ífarandi aðgerð fer fram.
- Í meiri háttar blæðingartilvikum á að stöðva meðferð með Dabigatran etexilate Medical Valley tafarlaust.
- Sérækt viðsnúningslyf (idarucizumab) er fáanlegt handa fullorðnum sjúklingum. Ekki hefur verið sýnt fram á verkun og öryggi sértæka viðsnúningslyfsins idarucizumabs hjá börnum.
- Frekari upplýsingar og fleiri ráð til að

vinna á móti segavarnaráhrifum Dabigatran etexilate Medical Valley má finna í samantekt á eiginleikum lyfs fyrir Dabigatran etexilate Medical Valley og idarucizumab.

- Dabigatran etexilate Medical Valley skilst aðallega út um nýru. Því verður að viðhalda fullnægjandi þvagmyndun. Dabigatran etexilate Medical Valley skilst út með blóðskilun.

Vinsamlegast fyllið inn eftirfarandi upplýsingar eða biðjið lækninn/lækni barnsins um það.

Upplýsingar um sjúkling

Nafn sjúklings

Kennitala

Ábending fyrir segavarnarmeðferð

Skammtur af Dabigatran etexilate Medical Valley